

www.BibleForChildren.org

Mateus 8



Azagâ iguandyly ipygueduo, Canádâ todohogüinlybe akâwâm, Galiléia eynynâ. Târâlâ akâwâm Jesus ise, todohogüin-hodâlâ. Jesus agâ xina idâwâm lâpylâ, igâsedybyem tawylygue.



Aituo vinhu adainly, âty nadaimpalâ. Awârâ tiuntuduo
Jesus ise eyam aguely: — Mery, igâsedyby modo
sakuihoem vinhu lâpeba — kely. Arâ aguepygueduolâ
Jesus ise âty sodo emary modoram aguely: — Ymery
aguehobyry arane aitaungâ — kely.



Jesus aguely vinhu epâni modoram: — Xirâ
poty modo parugue xumytâdaungâ — kely.
Aituo parugue poty nhumytâdylimo.
Ilâpyryem aguely: — Xirâ poty odano ewy
paru âentywâdaungâ. Sataungâ âty
iwymâryam — kely. Aguehobyry
ara aidylimo. Paru nhetylimo,
nhadylimo.



Jesus olâ mârâ paru vinhuem ienehonrimbyrem.
Aituo âty iwymâry mârâ xuduypy nhekudyly. Ipa,
mârâ paru, vinhuem itybyem
lelâ. Ádykâ mârâ vinhu
nhetylymo awyly nutuba
mâkâ. Emary modo olâ
mârâ paru poty odano
modo vinhuem ietybyem
awyly tutuze.
Akaemolâ
mawânkâ mârâ
tânyzeim poty
odayba
etyim.



Aituo âty iwymâry uguondo ohogüinrim ingâsedyly,
aguely:— Kâzewenryem vinhu tâkubâgueim mawânâ
waunroem tâpâzeim
igâsedyby modoram. Ize
tato ara
nhenybygueduomo
pylâ eagonro vinhu ewy
epâdyly-ro warâ.



Âmâ olâ vinhu tâkubâgueim
mekanâdai; âty adainze idâly
ume kulâ pylâ
Mâempâdyly-ro!
— kely.




Târâ Canádâ, Galiléia eynynâ, saguhoemkuru
adyesenry anhedylâ ani Jesus Deus
eon-honru tienehon-hoem.



Xina Jesus eynonro
modo Jesus anhetyby
tientuo, einwânâ.



Sodadu modo iwymâry agâ âtunâguedybyem myani
Jesus idâly Simão Pedro etyram. Saintybyem myani
Simão imenhundu tâwâne, toenzepa
kehoem iaturu kely indadyly.



Jesus tâwâneim eguetonra idâly. Emary wângâ
nhawâdyly. Ilâ umelâ kehoem myani kua idyly;
tyatureba idyly, pekodo saudyly, ipynirymo aiese,
âwinduatomoem.



Xixi âwâmpygueduo, myani tonlo modo tâwânuneim
modo, kadopâgue taseim modo warâ Jesusram
nhadylymo. Toenzepa
kurâdo âtâdyguyly
Simão ety inataji,
Jesus aidyly ese.



Âkelo tâzewânugue tâwânuneim modo kua tyese lâpylâ myani. Kadopâ modoram aguely: — Kurâ domodo imowâdaungâ. Ânguy wawyly adâkezeba itaungâ-ro warâ. Jesus arâ aguely myani, Deus Imery Jesus awyly tutuze kadopâ modo awylygue, awârâ xutuen-hon-ho odaji nipyra awylygue.



Idânârâ tâwânuneim modo MÂ' tiendyse,
eon-honrugue kua tâitomoem. Idânârâ MÂ'
ienipyry modo kua itaunmâmomy.




Jesus âtâ oday aguely ume uguondo tâwâneim
adaholy. Adakobâdânry myani mâkâ. Aituo quatro
eataen-hodoram adaholy sawo wângâ.



Toenzepa kurâdo awylygue olâ
myani Jesus iopaji naimpyra awylymo.
Pyanta oze tâgawâmpyra tawly
tientuomo myani âkulymo
âtâ angawanxi tâdâkuho
wâgâ adakobâdânry
agâ.



Jesus nhangawaym kehoem
myani in-hoguylymo. Ilâ oze
myani tâwâneim eguetudo
wâgâlâ tasegue
nhytâguyândylymo.



Aidylymo tientuo Jesus tyangahu oday aguely:

— Awâkâ adakobâdânry
kua kânhedily tâinwânse
asaemo — kely.

Aituo Jesus aguely
eyam: — Idânârâ
inakanhe amitobyry
modo xygakeagui
— kely. Aituo


adakobâdânryam
aguely: — Aukâ,
iguatudobyry sanâkâ,
adakobâgâ, idâ itynra
— kely.




Akaemo azagâ uguondo agâ agueypyem myani Jesus
tynnonro modo agâ paruum idâly.
Pepi odaxi âxiedyly, paru
tienkuâdomoem. Mârâ paru
imâsedo tuotagueze
ataymo kehoem myani
kopâ sapezenru
ton-honreim
agonro adaguly.




Ton-honre kehoem myani
sapezenru paru nhahugânily.
Parugue pepi adapadyly
warâ. Jesus olâ myani
xykyly lelâ.



Aituo myani tuagueântuo, Jesus eyanmo aguely:
— Tâseanezeba itaungâ. Imakezemo ton-honre
wawyly mâinwâmpyra lâgâlâ ianumo — kely. Aituo
saudyly. Ton-honre kehoem aguely: — Arâ kehoem
tadapezeinzeba ikâ! — kely
sapezenruram. — Tahugâneba
ikâ! Ipagugâ! — kely
paru sahumânuram
warâ.




Agueduo, tapezenremba idyly, paru tahugâneba idyly warâ. Toenzepa myani âsewânilymo, âseguâdâdylymo warâ. Aituo aguelymo: — Etaungâ! Sapezenru nadapezeimba itoem adyese. Paru tahugâneba itoem adyese warâ. Ânguy kuruka awâkâ eon-honru xudunri, awârâ modo anhetuem? — kelymo.



Idânârâ Deus kywynedyly. Awylygue
urâ tymery tokaleom ugonodyly.
Idânârâ yeinwântaynrîm modo eyam
âzmakeoze. Deus agâpa
tyetunebamo ise, aunlolâ ise
eagâ awylymo.



40



60



Romanos 3:23 Idânârâ Deus izepa ato adyese
lelâ warâ. Awylygue Jesus kienwândyly iraynâ
Deus koendonrodâ iwaguelâ kydawyly.

Romanos 6:23 Inakanhe tadawyly epywado,
tâjiguely; Deus nhuduly olâ aunloenlâ eagâ kydawyly,
Kywymâry Jesus Cristo agâ tokaleom kydawylygue.

Hebreus 9:27 Idânârâ igueze kurâ tokalelâ.
Ilâpygueduo ise Deus aguely âdy kagâ aini wâgâ-ro
warâ, eagâ kaynâ atoam kytâly atay, âji
tâdâsenagazedoam kytâly atay warâ.



Efésios 2:8,9 Deus kâmakely, Cristo Jesus kienwântuo. Mâkâ kâmakely, koendâ aguitobyry wâgâ inkâba, kagâ koendâ tawylyguelâ. Koendonro aguienkyly lâpeba Deus kâmakehoem. Arâpa-ro watay, kywâgâlâ tâise koendâ aguykely. "Deusram kâzmakeoly, koendonro wawylygue" tâkeze tâise kurâ. Tâbyguepalâ Deus kâmakely; kyam nhudulylâ mârâ.

Romanos 10:9,10 "Ywymâry mâkâ Jesus" myguelymo tâjiduay, igueduo kurâem ietonibyryem Deus awyly tâinwânse âmaemo warâ watay, âsemagueze âmaemo. Jesus kienwândyly-ro watay, Deus xurâem tâwentâgueduneba kurâ. Mâkâ tâinwânse kydawyly aguykely tâjiduay-ro watay, tâsemagueze kurâ.



João3:16,17 Idânârâ Deus kywynedyly. Awylygue urâ tymery tokaleom ugonodyly. Idânârâ yeinwântaynrim modo eyam âzmakeoze. Deus agâpa tyetunebamo ise, aunlolâ ise eagâ awylymo. Deus ugonodyly, xirâ anano modo igueduo tienagazedoem inkâba, idânârâ yeinwântaynrim modo tienmakehoem.

1 João 5:11-13 Xirâ mawânâ kyam Deus nhutuen-honly. Imery tâinwânse kydawlylygue, typygueba ise eagâ kydawlyly. Deus imery einwânni modo iweloem ietybyenlâ, Deus agâpa nâiehobamo warâ. Deus imery einwântânry modo olâ iweloem tyeseba. Aunloenlâ ise Deus agâpa awylymo. Âmaemo Deus imery einwântaynrim modo âyanmo xirâ kâinwenily, iweloem ietybyem mawylymo mâenanâguehomoem. Âigueduomo Deus eydâ atoam ise mydâlymo, typygueba mâkâ agâ mitomoem.



Mateus 8-9; Marcos 1-2, 4; Lucas 4, 8; João 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Bakairí Bible (bkq) © 2011, Wycliffe Bible Translators,
Inc. All rights reserved.

<https://www.bible.com/ur/bible/408/MAT.1>

©2026 Bible for Children, Inc.

www.M1914.org

www.bibleforchildren.org

